

Illastuvvon garrasit

GIRKONJÁRGA: Dievdu (22) ja nisu (25) leaba áššáiduhtton duodalaččat illastan 22-jahkásaš dievddu sotnabeaivvi čuovganeapmái. Girkonjárgga politiijat bijai-ga sudno háldogiddagassii sotnabeaivvi. Mánnodatidida diedihedje Nuorta-Finnmárkku politiijat ahte leat dutkame ášši tehnikkalaččat ja taktihkalaččat. Sii gohčodit ášši roavva rumašvahágahttimin.

Nordlys aviissa dieduid mielde galgá 22-jahkásaš garrasit roasmmohuvvan, goappaš giedat ja juolgi doddjon, ja galgá oapmahačča dieduid mielde huškkohal-lan ruovdestákkuin miehtá rupmaša. Illasteapmi galgá leat dáhpáhuvvan pri-váhtha feasttas Girkonjárggas lávvordatija. Áššáiduhtton olbmot gullaba Finnmar-kui, čállá Nordlys. Gulahallanrádðeaddi

Eilert Sundt dadjá Ávvirii mánnodaga ahte pasieanta lea geahppasit roasm-mohuvvan, ja sii jáhkket ahte son čálihu-vo olggos moatti beaivvi geahčen jus ii dáhpáhuva mihkkege vuordemeahttumiid.

ROASMMOHUVVAN: Illastuvvon 22-jahkásaš lea dál Girko-njárgga buohcciviesus. (Vuorkágovva)



NIEHKOBARGU: Ellen Cecilie Triumf lohká sámi buktagiid heivet dán áiggi biebmóárvvuide, go leat lunddolaš, ekologalaš ávdnasat.

Priváhta govva.

– Midjiide lea dat nu diehttelas ášši, muhto jus geahččá olggobealde, de leat sámi buktagat hui erenoamážat. Galg-gašeimmet duostat eanet ávkkástallat das mii mis lea, dadjá «Rein Styrke» fitnodaga nubbi eaiggát Ellen Cecilie Triumf.

Ellen Cecilie lea ráhkadan bohcco vuoivasis biebmolasáhuskapseliid, searválaga Gry Hammeriin geas lea dovddus biebmoblogga Norg-gas «frajordtilbord.no» ja gii ovd-dit vahkku lei dan vahku biebmobloggar VG aviissas. Soai Tri-umfain eaiggáduššaba beali goab-

báge Reinstyrke AS fitnodagas. Triumf muitala sus lea buvtta-deapmi ja Hammeris fas buot mii guoská márkanfievrrdeapmái ja vuovdaleapmái sudno fitnodagas.

Dolin dearvašat

– Letne fuobmán ráhkadit ja fá-lat innovatiiva vuogi mielde dán biebmolasáhusa, dárogillii «kost-tilskudd», mii lea ráhkaduvvon bohcco vuoivasis. Dat lea nu máilmmi dearvašlaš, ii ge dan sáhte dušše bálkestít nu go dál dahket njuovahagain. Munno jurdda lea vuodđuduvvon dasa ahte máilmmi árbevirolaš kultuv-rat ávkkástalle visot ja dieinna lágiin bisso sii maid dearvašin, muitala Triumf.

Foanda

Gry Sinding lea beakkán fitnoda-tálggaheaddji dahje gründer Norg-gas gii doalai «Skap din drømme-jobb» doaluid mannan vahkkol-oahpa. Triumf ja Hammer leigga doppe oážžume vel eambbo inspi-rašuvnna dán bargui. Ehtalaš-vuohta lea dehálaš dálá márkan-fievrrdeamnis, ja dan leaba maid jurddašan. – Fondii galgá mannat ovdamearkka dihte 10 proseantta juohke gálvvus maid vuvde, ja dat foanda galgá veahkehit árktdalaš bearrašiid addit vejolašvuoda eal-lit iežaset guovlluin luonddu eavt-tuid mielde. Ean dieđe juste vel movt ruđat galget adnot, muhto dainna barge juste dál, ovdalgo lanserejetne «Rein Styrke» vuoiv-vaskapseliid.

Niehku ollašuvvame

Triumf lohká dán leat iežas nieh-kobargun, bargat dainna mas berošta ja čájehit máilbmái ja olg-gobeale olbmuide ahte álgoálbmot eallá ain luonddu árbevieruid ja árvvuid mielde, ja ahte sáhtta dálá odđaaiggis dan dahkat. – Dát leat diekkár stuora višuvnnat maid moai jurddašetne go fálle ja ráhkadetne buktagiid, ja áigo vel eambbo buktagiid ráh-kadit áiggi mielde. Sámi eallin-vuohki ja kultuvra sáhtášii lok-tejuvvot vel eanet, go mis leat buk-tagat mat leat lunddolaččat, eko-logalaččat, ollislaččat, ehtalaččat ja nu ain, dadjá son ja oaidná ain stuora vejolašvuodaid sámi buk-tagiin.

Son lea maid Indigee prográmmas maid mielde, mii lea fitnodatálg-

gahanveahkki álgoálbmot nuorai-de. Upmi Indigee konferánsas lei juo muitaleame buktaga birra.

Super biebm

Ollu olbmot eai bora vuoivasa go dat gullá siskilušaide mat ráidnejit mirkkuid, muhto Triumf ii loga bohccovuovivasa dakkárin. – Juo, muhto vuoivvas lea rái-dnenorgána mii ii doala mirkkuid. Diedusge jus leat buozalmasvuo-đat ja heajos birrasis nu go sáhtta leat spiinniin maid bibmet ja maidda addet dálkasiid. Dain ii soaitte vuoivvas nu buorre. Dearv-vaš ealliin lea dat «super mat», dat veahkeha ges olbmo vuoivasa rái-dnet, rámpo Triumf.

Marit Elin Kemi
maritelin@avvir.no